



文昌心懺


譚應陞手錄



讀有用書坐主人抄本









文昌心儀

第一啟誠之章

玉局真官杜長春奉

元皇帝君律令降此啟撰化為弟子等

眾級身皈命皈神

九天開化梓潼元皇帝君受生永命天尊

殿下職聞

天鑒在茲化育顯生成之德

帝心臨汝恩威寓

賞罰之權

播令於春夏秋冬百神受律

垂教於風霜雨露

萬物歸仁感而遂通誠無不格恭惟

九天開化梓潼元皇帝

君更生永命天尊殿下

儲祥北斗

顯瑞南宮

長萬善而

體元為蒸民而永命

靈開潼嶺精微傳大洞之經行著錫

京孝友協昌期之運

無體之礼無聲之樂昭言動常存如

日之升如月之恒穆光華復旦

受宝符于

金闕勾陳在

前元武在後丹心夫

玉座之旁

檢桂籍于瑤宮上卿司祿



中士司書青簡照雲衢之下。位視伊周鼎鉉。教為孔孟藩  
籬。統攝儒林提衡藝苑。月殿開而彩霞起。寫真度而清風翔。  
道本淵疑。心惟陰濶。潤頰波之滄蕩。傷正路之傾回。動色咄嗟。  
巡行校察。見有弟子。彭定求者。城隍保奏。斗姥矜憐。駕  
臨彌羅之官。勅到文昌之閣。預宣天榜。特遣微臣。歲紀甲  
寅。月臨癸酉。幽明若電。響應如雷。所以助弱扶衰。興一勸百也。  
職主非良吏。歿仍腐儒。忠直未漓。朴誠猶在。過蒙 甄錄。久隨  
香案之班。韋厲自宣。暫捧玉霄之令。敢不敷揚。聖德廣贊  
神功。奈何疑信相參。天人交戰。身羈塵網。日障雲霾。素往屈  
伸。蓋見因材之意。盈虛進退。方開入道之門。荏苒六年。稽遲  
前命。撫躬惶悚。稽首陳明。仰冒 天威。敬陳心懺。揭詩書之大  
義。較若金科。依几席之明輝。儼如宝鏡。俾弟子等眾。書場幽迷

之障。共明降鑑之目。御氣凝神。聳觀悚聽。信非狂夫語怪。知為  
後季承 天。從此遊迹聞風。智愚向道。初終勤慎。表裏嚴明。廣  
積善功。靜念元始。日明且且。無非奏假之時。為誦為絃。堅秉延  
先之志。迷津可渡。聖域非遙。伏望 元皇。諒職愚衷。恕職淺  
識。奏名 上帝。降勅冥贊。陽善勿褒。陰惡不貸。拙者可宥。悔者  
斯遷。惟願 弟子等眾。來到靈壇。祇承懺法。實心導奉。絕意禱祈。  
如臨明師。如依慈父。千秋勝事。百世奇逢。不勝戰栗投誠之至。

第二首罪之章

職為弟子等眾。仰朝 帝座。親覲 天顏。竊念照臨靈臺。毫芒  
不掩。虧心暗室。影終漸痛。夙劫之深。沈悼微軀之薄。若降衷  
伊始。明命非虛。積習相移。初基乃壞。幼而頑惰。長而肆偷。強暴  
則機智。交攻愚柔。則心神頓怯。空使詩禮浪附。衣冠血氣易淫。

元精早喪典墳未習文譽先誇惑溺名場爭營利窟藥難瞑眩  
疾已膏盲輒謂直道不行豈識聖言可畏龍蛇之萌既甚難鳴  
之起何爲所以報主而廉靜難成書文而顯揚猶憾睽離族誼  
輕負師恩長眠妻孥偏歡子女燕羽溺志襍說營心面是背非  
中疏外密翻雲覆雨方寸焦勞撲火抽絲脂膏枯竭恃才則傲  
倚勢而驕瘖否不真伎求無厭武斷鄉曲請謁公庭盟社橫分  
徒傷信義苞直暗入尚博清聲喜詐欺愚長強凌弱辨貧就富  
棄故謀新口腹肥甘傷殘物命因圖廣利後刑民財僕妾猖狂  
優伶戲舞禱祈越禮褻瀆明神祭葬失時洞傷先祖耻必報  
鼠角交與損失天和招來人怨身容怠佚酒德乖張博弄玩娛  
歌詞綺艷即或旁通宗乘偶慕仙階何曾性命無備不過皮膚  
幻視甚而滑稽妄逞採鍊邪趨白首無成朱顏不再任清燕蕩

逐浪難平回首思維間雷皆震今幸餘生猶在且氣還存滌血  
自明林香盡剖汗流涕下魄動魂驚洵無地以求容祇向天  
而思悔捫衷引慝席藁稽誅不勝悲痛憂危之至

第三教過之章

職爲弟子等衆發露罪愆痛思省改竊念靈根既斷苦海正沉  
賦性維堅受愚不易今生若墮後會難期六道輪迴瞭如反掌  
三塗沈滯重若移山悔趨吉而各趨凶轉圓實速陰爲刑而陽  
爲德運轂非遲惟上帝之好生待斯人之訟過復即繼剝消  
長見天地之心豫必承譴哀益寫鬼神之柄遇災而懼一言不  
絕將來止諍則修瞬息可追既往過目智短勢與心違氣弱乃  
遷物來斯誤到明不足忠厚首愆積垢攘尤罹憂受釁聖心  
爲之惕若慈容見而惻然恕其疏庸憫其暗塞察隱衷之苦悼

岐路之艱短命弱疴猶延生籍衰宗孤系尚續家聲息仕患官  
之風波消戶庭之痞隔桑榆加勸鞭策收功湯火再離歎歎還  
免此真吹毛數髮難罄鴻施鏤骨抽腸莫銜雀報願在同盟之  
侶肯思再造之恩莫言命蹇時乖宦求福祿莫謂才高李進不  
免怨尤吏職多蒙素餐已甚先疇幸服宵構猶虛髮白齒頹留  
挽回之線童心稚氣需變化之機孤苦伶仃裁成委曲凡此現  
前餘澤何非造物深仁大道本無棄材夙劫亦容三命乾資始  
坤資生允矣兼收並育日所照月所臨洵哉繼晦重明罄竹涓  
波不足喻人心之險下車解經誰能知 帝力之寬尚思傾否  
之幾早鼓濟屯之氣先迷後得已及其時思患預防更垂軟象  
怙終不變橋骨難蘇積孽妄宮知枯枝遂朽且拜且泣以感以  
勝慙不勝銜哀禮謝之至

弟曰省幾之章

職為弟子等眾祈求 浩蕩幸賜蠲除宿念積染方融倒懸捋  
解以此洗心之後依然受命之初然氣質久滯形骸長放靜無  
澄觀之識動多回惑之情理欲交乘剝柔混雜毫釐不判千里  
終違似是而非雖真亦偽拘循名象難窺性道之原墮落虛無  
不察倫常之義學光格物巨細同歸事在知幾公私各辨陰靈  
詭場雷擊風馳夜漏將終璣旋衡轉惟人心之有覺如天紀之  
重新視本明聽本聰只在時、喚醒言可教行可法全从事、  
提撕片刻湛虛良知自現萬緣放下天倪還呈夢醒之關人禽  
之界凜茲幽獨危彼幾希思至而神自通理窮而物不誘清宵  
默坐萬籟遙聞平旦肅興重門洞闢賴真機之發露藉 至德  
之圓明垂以 靈儀錫以智慧言利勿信見善勿疑禍福窺倚

伏之端去就審後先之勢一經覺察即便轉移此乃入德之基  
補過之漸單刀直剖斬盡葛藤利劍高懸冲寒星斗胸襟一朝  
廓落眼光之地澄清何事疲性勞形懷機挾詐辨詖淫而正身  
仗明哲以保身著察同觀窮荒並採莫日予智仍入陷阱之中  
莫日我愚甘墜沉淵之底大道本無奇幻患在中終迷俗障統  
爾紛歧功成早斷聽居山之木鐸聳贖齊開振五殿之金鐘  
鴻蒙遠徹若啟若翼如在如承不勝惶省深切之至

第五之志之章

職為弟子等衆重開覺路大啟迷津竊念 聖域崇高門墻五  
入道基堅厚階級先分或因勉或幸利或生毋勿謂聖狂終遠  
在利祿在功名在道德當思理欲懸殊四科先顏閔之賢方稱  
好學十翼闡義文之秘尚期假年十五之志俱存四十之心不

動前脩有收進步無疆奈何歧道旁趨半途自畫寄情榮辱循  
末信之規模投慮文詞棄先民之心諱隙光仍闇墜敦終昏歲  
與意馳年隨力去未到朝聞之境空言夕死之期天地之大德  
曰生裁成匪泐民物具至誠之性胞与何私敵釀既萌擴充貴  
於權量更算不屑羞惡嚴於鼎鑪蓋亦正質 神明預陳誓願  
從今立志沒齒脩身絕欲遠見小之心去優游玩忽之態三光  
乎思至於誠以聖賢為必可師以鬼神為不可負內思承親之  
孝外思報國之忠顯款利物濟人微歌樂天知命務期順時而  
動素位而行不就易以辭難不履常而忘變妄想盡汰仁體斯  
完各以清淨之宗速伸勇往之氣庶幾生安死順不至利鎖名  
牽白璧可磨青蠅已斂若復陰違陽奉瞻碩游移能知不行雷  
同勦嚴簪纓炫飾不如敵緼之戚壇坫浮陳何若燕處之靜主



持名教責備吾徒特舉孤懷共盟彞好 皇天后土實聞以言  
先聖後賢請事斯語無私之欲其德乃到無為之爲其天常定  
是此息禱祈之陣即今是證果之期不勝精白夫誠之至

第六篤行之章

職爲弟子等衆堅持趨向砥礪躬行密思念樹德務滋除惡務  
盡德性高明之產功不廢於持循學問會通之時道終歸於實  
踐則毅木訥乃可求仁篤實光輝不離積善博文約禮垂頌以  
之曰箴履薄臨深貴曹家之三省安榮未云福澤憂患正是生  
機莊敬所以自強純一因之不已親義序別信止而勿遷 天  
地君親師恩皆至極隨處務尋天理舉念莫涉人爲若待得仁  
而後行道則簞瓢漏卮荅藟難禹稷同歸如必遇時而後揚名  
則采薇剖肝應視臯夔改轍千古終成一是一德無容再虧登

高自卑涉遠由近履須思順困亦致身不悞則看子節斯昔畏  
昏動忍出入欽承收束立官莊嚴四體或在直尋枉尺慎須安  
後懲前取義舍生難進易退忿皆釋躁育平肅、見賓承祭名  
可辭位可讓謙、執玉持盈不導諛以苟容不徇情以沽愛庭  
闈甯靜牀第倡隨惟儉惟勤戒淫戒殺大綱不惑細行皆於向  
所未作之愆慎莫終蹈昔所行之罪痛思永除各宜猛省次第  
類推家範官箴孔門義路須臾即在跬步難離會須取己以譬  
人乃可奉身而寡過寬一步省一言最忌深機隱計慎一羽息  
一事常能輔德懷刑強恕之術共聞宏道之能實近功虧九仞  
反慚一簣之基學歷三年彌淡丰鍾之祿至於誦讀經史考驗  
性情勿作文字之觀僅等道塗之託工夫踏實境地光明乾  
收、死而後已競、業、時不重來 天惟顯思已入汝心之

奧 神亦臨止不離尔室之隅不勝恐懼遵行之至

第七養性之章

職為弟子等眾指陳品概訓勉端方竊念始因可以終結下季  
因之下達天地之化過而不留聖賢之心虛而不有好多徒思  
浩博即求玩物之謔為善稍涉矯揉豈合事天之義主敬則一  
主靜則虛義實共貫同原多在操存培養無僅成爲善士無自  
阻於中人天君泰而百體皆安物欲消而萬理具足不賦不嗜  
浩、無名勿助勿忘惺、常在惟彼錄形握訣執着丹日滅性  
歸空荒唐竹筴試思孔顏之樂隨處可尋鳶魚之樂當前皆察  
渙若冰釋藹若春融前後高堅恍能卓立克伐怨欲何待矜持  
未發之中固皆有也不貳之命何不聞焉所以曾點雖狂漆雕  
未信獨能見道可與窮神但須積累深久之功乃進逢源自得

之效復以始之良以敷之安土依仁洗心徹骨如花初葉香氣  
中含如穀既成萌芽復種浮雲何有纖翳皆無存、之門生、  
之候先風霽月峙嶽得淵現我天心保尔元氣太和允溢客感  
潛消自然盡背碎容即是填離取坎不踰之矩迄此可參自闢  
之章由茲彌篤切莫矜言頓悟浪說無生中正和平精微潔淨  
原無形神拘迫束縛煩勞何將何迎莫來莫往然後可以酬酢  
萬變統會散殊一貫之間光歸於魯屢空之庶如許其愚此真  
養似木雞渾同璞玉行見默朝上帝即在明且之時接續先儒  
獨契新值之妙六陽純健猶以遇亢為防一陰未除急以用灶  
為戒務深根固蒂遂及本還原元宜思汲引之誠漸得送客之  
樂淵、心印真、真詮不勝屏息澄神之至

第八化物之章

職為弟子等眾已證精脩期登至道竊念人性皆善天意無私  
不有成物之功終非止己之驗獎極後進啟迪羣蒙貴在士林  
教先名義人心簣鼓聖季荆榛奔競者以捷得為長詭譎者以  
彌縫為巧聰明之子胥入浮誇醜謹之儒亦趨畏懦甘言毒於  
狂藥虛聲羨似兼金按取所由咎將安在君子愛人以德仁者  
贈人以言獎真才勿獎偽才為益友勿為損友講德論業合志  
同方務在陶澍性情歲規品行標觚小技復逞狂談叶韻童言  
遽稱名士痛須鍼砭速滌腎腸莫恃父兄之勢當思祖澤艱難  
莫誇文字之雄當念寒儒辛苦偶然獲亦是前因逞爾踴趨  
終罹後劫誰言天道之遠須知人事之窮日月亦有盈虧寒暑  
無非代謝強不終盛弱豈常衰巧不盡先拙豈獨後訓子孫以  
敦朴勸生徒以篤醇示鄉里以和平待官長以敬慎孝不廢於

諍子直每賴於良朋齒芬不足成材錄兩何堪飽德對貪鄙以  
者以廉靜視傾險者以沖恬見忿躁而和顏遇乖離而耐性身  
有夙咎何妨剖述戒人心無患根正可坦懷悟物 瓊官錄業  
非關受錄方言桂館飛鸞何止題名賢榜天機偶洩教化攸關  
至聖至慈大悲大願不拒五鄉之子猶戒闕黨之童誘本善循  
憤當自發尚聞風於千載速承命於九天廣來同學之朋暢  
示正心之諦來而往而復教固無言一而再而三辨非現  
己鷺湖不會誰講義利之章庶詞云遠空示彝倫之訓狂瀾欲  
障缺月還圓信若劃沙悟應點石從此共體鈞陶之化早抒樂  
告之誠勿復畏諛避速潛蹤匿影致干冥罰空負 慈恩不勝  
懇款盼望之至

職為弟子等衆墳元志力仰答 神功竊念太極初分質混元  
於一炁至誠能盡推然贊推於三才幽明之幾外生之說不經  
閱歷誰迫沉疑始何所未終何所去養到大而塞宇宙致中和  
而浪色聲直參究竟之宗自底高明之域試看貞夫烈婦氣動  
風雷猛帥孤且威臨河岳炳精靈於既沒發潛德之未揚何況  
理學明名賢經時哲輔道留天壤勳在君民雲漢昭回畫是元  
華之揭天闢曉闢無非宣化之司豈如生託蓮生元虛存幻語  
遊以松子終厲終空談坐破蒲團飛昇丹壑雖傳其訣難遇其  
人迹尚涉於異端事不道於儒者易曰殷薦詩曰於昭道自前  
知誠不可掩惟形色之間襟至血氣之沉埋智蠢交乘禁枯迭  
換浮生若夢濕氣潛磨槐鼎官階不書仙錄玉樓詞賦浪說才  
人興言至斯可哀也已至若天階既入幾度勤脩道果初成偶

然落障瑤謁鶴臺重謁鶴詔難聞塵骨再迷鈞天已遠所以  
諸神森列聖鑒臨聖秉天條精參宗旨直生妄外陰伏陽外  
自然之機必至之數今章未承 帝命祠志 天心各向 蒼  
穹共伸丹悃循階履級入室登堂永拔塵根終收峻宇廣寒宮  
闕璀璨瓊書太乙祠壇鏗鏘五佩春秋絕筆猶炳雲中瀟洛清  
風還流天上親承馨款永炙光輝庶幾神不隨而弗等朝菌零  
落志能御氣無勞意馬紛馳證覺後之圓通補生前之欠闕聽  
寬裳而月軸隨羽節而星移尚期天爵之脩永使昆蟲之迪朝  
元有日報德無涯不勝踴躍歡欣之至

末復憶前九章而自述其意

職為弟子等衆宣此天書名曰心懺目光閃爍血淚淋漓時在  
青陽 帝臨丹闕金雞三唱月景當軒玉節再來日輪出吾輩

臺天吏冠佩如雲雷部神軍符書若燭高真過而稽首泣拜至  
而陳香場蕩睡魔驅除翳障肅清靈室震闡重闈七竅光明三  
尸斬磔瓊霄頌赦芸館翰誠弟子等眾念切善緣聞茲聖  
教傷心涕泣觸目戰兢了萬劫回生今日始知未改命感知  
降真露下愆識揜著之無益幸邀三省恩浩蕩之難名沉錮  
鑿而德慧開梳逾杖喝欺情懲而善念墮顛如海涵坐臥於持  
盡是生哀生敬戒慎恐懼原以無臭無聲勸信化疑務殫其言  
法語歸根復命長能近聖依賢文成九章理歸一致靈光燦若  
次第井然職備位桂宮校書玉局久參河洛願承程朱轄下全  
門急宣室笈嘉與未李故事先師祝司誦讀循名文章于祿視  
官墻而越武遂道釋而狂談何止五經之蠹魚并為二氏之蠹  
賊故敢質之天地貫以星辰日月五臨神祝共鑒孔子有知我

其天之語孟子有脩身以俟之言纂述所聞竊取其義嗚呼齋  
明不動即是居敬之箴與祭必親何須臨疾之禱若夫聖号仍  
同天籙格言必發心聲所以攝下士之息容或達人之幻想豈  
徒鼓鐘陳設廟貞莊嚴聽步虛之詞建初恩之醮也哉倘職後  
儒入墨託鬼迷人此無靈爽之憑日冒天威之肅巡界之神安  
在斬妖之法何存立顯神誅大章報應或弟子等眾但耳聞而  
口誦終一暴而十寒安回休咎瀆涼漫叩仙靈唱和甚至視迂  
為腐名正為邪渣倒危途糾纏薄俗年齡易盡祿籍終勾赫  
聲靈難同媚竈之免煌、俎豆勿貽鳴鼓之攻敢布誓詞共堅  
懺悔不勝申復證盟之至

咸豐己未八月華亭韓應陸手錄

